



Broj: 12/08-27-20471-9/16  
Zenica, 29.03.2017.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14) i Zapisnika o pregledu i ocjeni ponuda, broj: 12/08-27-20471-4/16 od 27.03.2017. godine, u otvorenom postupku javne nabavke za radove broj: 1417-1-3-24-3-19/16 od 23.12.2016.godine (obavještenje o nabavci broj: S1-64-17 „Službeni glasnik BiH“, broj: 1/17 od 06.01.2017. godine), direktor Kantonalne direkcije za ceste Zeničko-dobojskog kantona, donosi:

## ODLUKU

o izboru najpovoljnijeg ponuđača

### I

U otvorenom postupku javne nabavke za radove redovnog i zimskog održavanja regionalnih cesta, broj: 1417-1-3-24-3-19/16 od 23.12.2016.godine, za LOT 4 - R 444 Podlugovi-Breza-Vareš-Podkamensko ukupne dužine L=50,12 km i R 444a Vareš (Pogar)-Kraljeva Sutjeska (Ratanj) ukupne dužine L=20,63 km, ponuda ponuđača „Rial-šped“ d.o.o. Doboj Istok (broj: 02/17 od 25.01.2017. godine) izabrana je kao najpovoljnija.

### II

Ponuđač „Rial-šped“ d.o.o. Doboj Istok (ID broj: 4209275930009), adresa Magistralni put bb, Klokotnica, Doboj Istok, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će Okvirni sporazum sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obavješteni o izboru najpovoljnije ponude.

### III

Odbacuje se ponuda ponuđača „Teling“ d.o.o. Travnik, jer nije potpuna i ne ispunjava zahtjeve uspostavljene u tenderskoj dokumentaciji.

Odbacuje se ponuda grupe ponuđača „Ame“ d.o.o. Breza i „Romanijaputevi“ a.d. Sokolac, jer nije potpuna i ne ispunjava zahtjeve uspostavljene u tenderskoj dokumentaciji.

Odbacuje se ponuda ponuđača „Sarajevoputevi“ d.d. Sarajevo, jer nije potpuna i ne ispunjava zahtjeve uspostavljene u tenderskoj dokumentaciji.

## Obrazloženje

Postupak nabavke pokrenut je Odlukom broj: 12/08-27-20471/16 od 19.12.2016. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-24-3-19/16 objavljeno je na Portalu javnih nabavki 23.12.2016. godine.

Komisija za javne nabavke imenovana rješenjem broj: 12/08-27-20471-3/16 od 13.03.2017. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za LOT 4 pristiglo je ukupno 6 (šest) ponuda.

Uvidom u ponudu ponuđača „Teling“ d.o.o. Travnik, Komisija za javne nabavke je utvrdila: Tačkom 12.6.1. c) propisani su uslovi u pogledu minimalno angažovanih kadrova neophodnih za redovno održavanje cesta i to sa obrazovnim i profesionalnim kvalifikacijama na način prikazan u tabeli „Kadrovska sposobnost“. Za navedeno ponuđač je u skladu sa tačkom 12.7. tenderske dokumentacije, dostavio Izjavu o angažovanom tehničkom osoblju sa traženim podacima, iz koje je utvrđeno da su dostavljeni podaci za samo 1 lice koje ispunjava uslove na mjestu gdje su predviđena 2 predradnika. Također, u dostavljenoj izjavi ponuđač između ostalog navodi da raspolaže sa 2 ophodara, od kojih 1 ne ispunjava uslove u pogledu godina radnog iskustva, dok je minimalni zahtjev iz TD 3 ophodara, građevinke struke IV stepen i 3 godine radnog iskustva. Ponuđač ne ispunjava uslove niti u pogledu broja traženih rukovaoca sredstvima rada (mašinama, uređajima i sl.) u dostavljenoj izjavi navodi svega 4 lica, dok je tenderskom dokumentacijom propisano minimalno 5 lica.

Dalje, ponuda ponuđača Teling d.o.o Travnik sadrži ispravku jedinične cijene i ispravku vrijednosti radova u obrascu za cijenu ponude u okviru tačke 2.1. na stranici ponude 11S i ispravku vrijednosti radova u okviru tačke 6.24. na stranici ponude 15S i to na način da ispravljeni podatak nije vidljiv i nema potpisa i parafa, a što je u suprotnosti sa tačkom 15.6. TD.

Tačkom 28.1. tenderske dokumentacije propisano je da su ponuđači dužni uz ponudu dostaviti Nacrt ugovora i okvirnog sporazuma u koji trebaju unijeti podatke iz svoje ponude, te parafirati sve listove Nacrta ugovora (Prilog VIII tenderske dokumentacije). Ponuđač je u Nacrt ugovora unio podatke koji ne odgovaraju podacima iz obrasca za cijenu ponude, a što je u suprotnosti sa naprijed citiranom tačkom i pojašnjenjem datim u odgovoru na pitanje ponuđača u vezi sa popunjavanjem priloga koji se odnose na ugovor i okvirni sporazum. Također, nije pravilno popunio niti nacrt okvirnog sporazuma obzirom da je kao traženi podatak unešena vrijednost radova bez PDV-a. Još jednom ističemo da je u odgovoru na pitanje nakon preuzimanja tenderske dokumentacije od strane ponuđača, dato decidno pojašnjenje vezano za unos traženih podataka.

Zbog naprijed navedenog ponuda ponuđača „Teling“ d.o.o. Travnik, u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje se jer nije potpuna i ne ispunjava zahtjeve iz tenderske dokumentacije.

Uvidom u ponudu grupe ponuđača „Ame“ d.o.o. Breza i „Romanijaputevi“ a.d. Sokolac, Komisija za javne nabavke je utvrdila:

Uvidom u obrazac za cijenu ponude za LOT 4, Komisija je konstatovala da isti nije pravilno popunjen iz razloga jer je ponuđač greškom na mjesto za iskazivanja popusta naveo vrijednost PDV-a, odnosno naveo je da ukupna cijena sa popustom bez PDV-a iznosi 3.820.963,89 KM, a što je u suprotnosti sa napomenom datoj na samom obrascu za cijenu ponude na kojem je propisano da se cijena ponude iskazuje bez PDV-a. Zbog navedenog podatak dat u obrascu za cijenu ponude razlikuje od podatka sa izjave iz obrasca za dostavljanje ponude, a što je neprihvatljivo za Komisiju obzirom da se radi o neusaglašenosti u dijelu koji se odnosi na cijenu ponude.

U Izjavi o ispunjenosti uslova iz člana 51. Tačka a), c) i e) (Tehnička i profesionalna sposobnost u postupku nabavke radova) Zakona o javnim nabavkama („Službeni glasnik BiH“ broj: 39/14), koja se nalazi na 49/206 stranici ponude ponuđača „Ame“ d.o.o. Breza, naveden je naziv pravnog lica, a ne kako je traženo ime i prezime predstavnika privrednog društva, zbog čega se smatra da predmetna Izjava nije pravilno popunjena.

Tačkom 28.1. tenderske dokumentacije propisano je da su ponuđači dužni uz ponudu dostaviti Nacrt ugovora i okvirnog sporazuma u koji trebaju unijeti podatke iz svoje ponude, te parafirati sve listove Nacrta ugovora (Prilog VIII tenderske dokumentacije). Obzirom da ponuđač nije pravilno popunio Nacrt ugovora (u dostavljenom nacrtu unešeni podaci koji se odnose na vrijednost iz okvirnog sporazuma), ponuda se odbacuje u skladu sa tačkom 28.2. tenderske dokumentacije. Također, skrećemo pažnju da je u odgovoru na pitanje nakon preuzimanja tenderske dokumentacije od strane ponuđača, dato detaljno pojašnjenje u vezi sa popunjavanjem priloga koji se odnose na ugovor i okvirni sporazum.

Zbog naprijed navedenog ponuda grupe ponuđača „Ame“ d.o.o. Breza i „Romanijaputevi“ a.d Sokolac, u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje se

jer nije potpuna i ne ispunjava zahtjeve iz tenderske dokumentacije.

Uvidom u ponudu ponuđača „Sarajevoputevi“ d.d. Sarajevo, Komisija za javne nabavke je utvrdila:

Tačkom 12.6.1. c) propisani su uslovi u pogledu minimalno angažovanih kadrova neophodnih za redovno održavanje cesta i to sa obrazovnim i profesionalnim kvalifikacijama na način prikazan u tabeli „Kadrovska sposobnost“. Za navedeno ponuđač je u skladu sa tačkom 12.7. tenderske dokumentacije, dostavio Izjavu o angažovanom tehničkom osoblju sa traženim podacima, u kojoj navodi da raspolaže sa 4 lica koja ispunjavaju uslove za rukovanje sredstvima rada, a što ne odgovara uslovima iz tačke 12.6.1. c) tenderske dokumentacije, kojom je između ostalog propisano minimalno 5 lica sa odgovarajućim stepenom obrazovanja za rukovanje sredstvima rada (mašinama, uređajima i opremom).

Zbog naprijed navedenog ponuda ponuđača „Sarajevoputevi“ d.d. Sarajevo, u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje se jer nije potpuna i ne ispunjava zahtjeve iz tenderske dokumentacije.

U skladu sa tačkom 23. tenderske dokumentacije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

| Rang lista | LOT 4<br>Ponuđač                                          | Ukupna cijena ponude sa<br>popustom bez PDV-a |
|------------|-----------------------------------------------------------|-----------------------------------------------|
| 1.         | Rial-šped d.o.o. Doboj Istok                              | 2.200.550,20                                  |
| 2.         | Nahonal-gas d.o.o. Breza/Rudnici-gipsa z.d.d. Donji Vakuf | 2.306.031,00                                  |
| 3.         | Bucomerc d.o.o. Kiseljak                                  | 2.434.051,62                                  |

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „Rial-šped“ d.o.o. Doboj Istok. Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli Okvirni sporazum za LOT 4 - R 444 Podlugovi-Breza-Vareš- Podkamensko ukupne dužine L=50,12 km i R 444a Vareš (Pogar)-Kraljeva Sutjeska (Ratanj) ukupne dužine L=20,63 km, za period od četiri godine.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa [www.zdk.ba](http://www.zdk.ba) i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda

#### **Pouka o pravnom lijeku:**

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

#### **Dostavljeno:**

- 1 x Najpovoljniji ponuđač,
- 1 x Svim ponuđačima za LOT 4
- 1 x a/a

